

***Važna napomena:*** *Prevod ovog propisa, odnosno akta sa srpskog jezika na makedonski jezik, omogućila je Misija Organizacije za evropsku bezbednost i saradnju u Republici Srbiji (dalje: Misija OEBS u Srbiji) sa ciljem da se pripadnicima i pripadnicama nacionalne manjine, čiji je jezik u službenoj upotrebi u Republici Srbiji, omogući da se na svom jeziku i pismu obaveste i upoznaju sa sadržinom teksta propisa, odnosno akta koji je predmet ovog prevoda.*

*Misija OEBS u Srbiji posebno napominje da je isključivo i jedino pravno-relevantan i merodavan tekst propisa, odnosno akta (koji je predmet prevoda u ovom dokumentu) koji je objavljen na srpskom jeziku, u skladu sa i shodno propisu koji uređuje objavljivanje zakona i drugih propisa i akata u Republici Srbiji.*

*Za potrebe prevoda ovog propisa Misija OEBS u Srbiji angažovala je kompaniju Eurotranslate d.o.o. koja je u celosti, i u svemu prema pravilima struke, odgovorna i garantuje za jasnoću, preciznost, istinitost i tačnost izvršenog prevoda na makedonski jezik. Misija OEBS u Srbiji ni po jednom osnovu nije odgovorna i ne garantuje za jasnoću, preciznost, istinitost i tačnost izvršenog prevoda.*

***Важне надпомнуце:*** *Прекладане того предписаня, односно актох сербского языка на руски язык, оможлівела Мисия Організації за европску безпечносц и сотрудніцтво у Републики Сербії (надалей: Мисия ОЕБС у Сербії) зоз цильом же би ше припадніком и припадніцом націоналней меншини, чий язык ше службово хаснуе у Републики Сербії, же би ше на своїм языку и писму обвисцели и упознали зоз составом текста предписаня, односно актом котри предмет того прекаду.*

*Мисия ОЕБС у Сербії окреме надпомина же виключно и єдино правно-релевантни и меродавни текст предписаня, односно актох (котри предмет прекаданя у тим документу) котри обявени на себским языку, у складзе зоз и одвитујуци предписаню котри ушорюе обявйоване законох и других предписаньох и актох у Републики Сербії.*

*За потреби прекаданя того предписаня Мисия ОЕБС у Сербії ангажовала компанију Еуротранслате д.о.о. котра у целосци, и у шицким спрам правилох фаху, одвичательна и гарантуе за ясносц, прецизносц, правдивосц и точносц оконченого прекаду руского языка. Мисия ОЕБС у Сербії ані по єдним основе не одвичательна и не гарантуе за ясносц, преизносц, правдивосц и точносц оконченого прекаду.*

На основі члена 62. пасус 1. точка 4. и члена 66. пасус 3. Закона о националних совитох Националних меншинох („Службени глашнік РС“, число 72/09, 20/14 – одлука УС и 55/14),

Републична виберанкова комисија, на схадзки отриманей 8. септембра 2014. року, принесла

## **П Р А В И Л А**

### **О РОБОТИ ВИБЕРАНКОВИХ ОДБОРОХ ЗА ЗАПРОВАДЗОВАНЄ НЕПОСТРЕДНИХ ВИБЕРАНКОХ ЗА ЧЛЕНОХ НАЦИОНАЛНИХ СОВИТОХ НАЦИОНАЛНИХ МЕНШИНОХ**

#### **I. УВОДНИ ОДРЕДБИ**

##### **Член 1.**

Зоз тима правилами бліжей ше ушорює работа виберанкових одборох, формованих у согласносци зоз Упутством за запровадзованє непосредних виберанкох за членох националних совитох националних меншинох („Службени глашнік РС“, число 89/14), на запровадзованю гласаня на непосредних виберанкох за членох националних совитох националних меншинох (далей у тексту: виберанки).

##### **Член 2.**

- (1) Виберанкови одбор непосредно запровадзує гласанє на виберанковим месце, обезпечує правилносц и тайносц гласаня, утвердзує резултати гласаня на виберанковим месце и окончує други роботи одредзени зоз законом и зоз тима правилами.
- (2) Виберанкови одбор одлучує з векшину гласох од вкупного числа членох.
- (3) Работа виберанкового одбору явна.
- (4) Покля виберанкове место отворене и покля тирва гласанє, шицки члени виберанкового одбору або їх заменіки муша буц на виберанковим месце або же би ше зменьовали.
- (5) Членом виберанкового одбору котри одредзени же би руковали зоз спрејом з невидлівиву тинту, а гласаю на другим виберанковим месце, оможлівює ше же би на їх виберанковим месце гласали з рішеньом о менованю за члена виберанкового одбору.

#### **II. ПРИЄМ ВИБЕРАНКОВОГО МАТЕРИЯЛУ**

##### **Член 3.**

- (1) Роботни групи Републичней виберанковой комисиї (далей у тексту: роботни групи) длучни же би ше виберанкови материял за запровадзованє гласаня на виберанковим месце придал виберанковим одбором најпознейше 48 годзини скорей дня отримованя виберанкох.

- (2) Список виберанкового материялу котри ше придава каждому виберанковому одбору за запровадзоване виберанкох находзи ше у записніку о примопридаванню виберанкового материялу скорей гласаня медзи роботну групу и виберанковим одбором на формулару котри предписує Републична виберанкова комисија.

### **III. ПРИРИХТОВАНЄ ЗА ПОЧАТОК ГЛАСАНЯ**

#### **Член 4.**

- (1) На дзень виберанкох виберанкови одбор ше зиходзи на 6,00 годзин на виберанковим месце, же би ше окончили пририхтованя за початок гласаня.
- (2) Члени виберанкового одбору ушорнюю виберанкове место так же обачліво визначую число и назву виберанкового места, вивод зоз Ришенья о одредзованю виберанкового места, ришенє о формованю виберанкового одбору и народну заставу Републики Сербії, як и групни виберанково лістини кандидатох за членох каждого национального совиту котри ше вибера на виберанковим месце.
- (3) Члени виберанкового одбору пририхтую початок гласаня по шлідующим рядошліду: утвєрдзую чи материял за гласанє исправни и подполни, ушорнюю виберанкове место и догваряю ше о способу роботи и подзеленю задлуженьох з нагоди запровадзованя гласаня.

#### **а) Утвєрдованє подполносци и исправносци виберанкового материялу**

#### **Член 5.**

- (1) Прияти виберанкови материял виберанкови одбор поровнує зоз станом у Записніку о примопридаванню виберанкового материялу скорей гласаня медзи роботну групу и виберанковим одбором и так утвєрдзує чи прияти материял подполни и исправни.
- (2) Кед дацо з виберанкового материялу хиби, виберанкови одбор того констатує до Записніку о роботі виберанкового одбору на запровадзованю гласаня и утвєрдованю резултатох гласаня на виберанкох за членох национального совиту одредзеной националней меншини (далей у тексту: записнік о роботі виберанкового одбору) и о тим такой информує роботну групу.

#### **б) Ушорйованє виберанкового места**

#### **Член 6.**

Виберанкови одбор ушорює просторию за гласанє так же од уходу по гласацки шкатули, места за окончованє виберанкових роботох буду поставени по шлідующим рядошліду:

- 1) место на котрим член виберанкового одбору рукує з УВ лампу;
- 2) место на котрим ше утвєрдзує идентитет виберача;
- 3) место на котрим ше находза виводи зоз окремого виберанкового списку за гласанє на виберанковим месце (далей у тексту: вивод зоз виберанкового списку) за кажды национални совит котри ше вибера на виберанковим месце и окреми виводи зоз виберанкового списку за гласанє виберачох на одслуженю воєного рока, воєней вежби або на школованю у єдинкох и установох Войска Сербії;
- 4) место на котрим ше придава виберанкови лісток;
- 5) место на котрим член виберанкового одбору рукує зоз спреєм за означованє пальца виберачови;

- 6) паравани за гласанє, котри муша буц так поставени же би обезпечели тайносц гласаня;
- 7) гласацка шкатула.

#### **Член 7.**

- (1) Виберанкови одбор проверює чи на виберанковим месце и на 50 метери од виберанкового места визначени символи предкладачох виберанкових лістинох и други виберанкови пропагандни материял.
- (2) Кед же на виберанковим месце и на 50 метери од виберанкового места визначени виберанкови пропагандни материял, виберанкови одбор го сам одноши або о потреби же би ше вон однесол информує компетентну комуналну службу.

#### **в) Догварка о подзелєню роботи**

#### **Член 8.**

Члени виберанкового одбору догваряю ше о подзелєню роботи, дзе найважнейше же би ше утвердзело котри члени, односно заменїки членох, буду задлужени за запровадзованє шлїдуючих роботох:

- 1) рукованє з УВ лампу;
- 2) утвердзованє идентитету виберача;
- 3) рукованє з выводами зоз виберанкового списку за кажди национални совет котри ше вибера на виберанковим месце и з окремнима выводами зоз виберанкового списку за гласанє виберачох на одслужєню воєного рока, воєней вежби або на школованю у единкох або установох Войска Сербїї;
- 4) чуванє и придаванє гласацких лісткох;
- 5) рукованє зоз спрејом за означованє пальца виберачови;
- 6) поучованє виберачох о тим як ше гласа.

#### **IV. ОТВЕРАНЄ ВИБЕРАНКОВОГО МЕСТА**

#### **Член 9.**

- (1) Потим як окончи пририхтованя за запровадзованє гласаня, виберанкови одбор утвердзує же гласанє може почач, и того констатує до записнїка о работи виберанкового одбору.
- (2) Виберанкове место ше отвєра на 7,00 годзин на дзєнь отримованя виберанкох.

#### **Превєрїованє исправносци гласацкей шкатули**

#### **Член 10.**

- (1) На виберанковим месце находзи ше єдна гласацка шкатула, котра ше хаснує за гласанє на виберанкох за членох шицких националних советох котри ше вибераю на виберанковим месце.
- (2) Превєрїованє исправносци гласацкей шкатули окончує ше у присустве першого виберача котри придзе на виберанкове место, а резултат превєрїованя уписує ше до контрольного лістку за превєрїованє исправносци гласацкей шкатули.
- (3) Поступок превєрїованя окончує ше по шлїдуюцим рядошлїду:

- 1) кед на виберанкове место приступи перши виберач котри не член виберанкового одбору, виберанкови одбор окончи перевірюване з УВ лампу, утвердзи його идентитет и утвердзи чи є уписани до даедного з виводох з виберанкового списку;
- 2) у присустве того виберача виберанкови одбор перевірює чи гласацка шкатула исправна и празна;
- 3) пополнює ше контролни лісток до котрого ше уписує до котрого виводу зоз виберанкового списку и под котрим шорним числом виберач уписани и подписую ги шицки члени виберанкового одбору и виберач котри перши пришол на виберанкове место;
- 4) у присустве першого виберача, контролни лісток ше уруцує до гласацкей шкатули, котра ше после того завера и печачує з цверну и печачовим воском;
- 5) шицки окончени роботи констатую ше до шицких записнікох о роботі виберанкового одбору за кажди национални совет котри ше вибера на виберанковим месце.

#### **Член 11.**

Превірюване исправности гласацкей шкатули не мож оконцовац у присустве виберача за котрого, после перевірюваня з УВ лампу, утверджене же гласал на другим виберанковим месце, котри не ма важацци явни документ за утвердзоване идентитету, або котри не уписани ані до єдного виводу зоз виберанкового списку.

### **V. ГЛАСАНЄ НА ВИБЕРАНКОВИМ МЕСЦЕ**

#### **Член 12.**

Кед виберач придзе на виберанкове место, виберанкови одбор длужни превжац шлідуюци роботи: перевірюване чи виберач гласал на другим виберанковим месце, утвердзоване идентитету виберача, перевірюване чи виберач уписани до даедного з виводу зоз виберанкового списку, придаване виберанкового лістку, означоване виберача зоз спрејом и поучоване о способу гласаня.

#### **а) Превірюванє чи виберач гласал на другим виберанковим месце**

#### **Член 13.**

- (1) Кед войдзе на виберанкове место, виберач приходзи гу члену виберанкового одбору зоз УВ лампу, котри перевірює чи указуюци палец на правей руки виберача уж означени з невидліву тинту.
- (2) У случаю же виберач не ма указуюци палец на правей руки, перевірює ше чи зоз невидліву тинту означени други пальци на правей руки, а кед виберач не ма праву руку, перевірює ше чи зоз невидліву тинту означени пальци на лівей руки.
- (3) Кед ше после перевірюваня з УВ лампу утвердзи же виберач гласал на другим виберанковим месце, вон не може гласац и длужни є без одкладаня напущиц виберанкове место.

## **б) Утвердзованє идентитету виберача**

### **Член 14.**

- (1) Кед ше утвердзи же виберач не гласал, вон приходзи гу шлїдуючому члену виберанкового одбору, сообщує му свойо мено и презвиско, придава му обвисцене о дню и часу отримованя виберанкох, кед же го ма, и доказує свой идентитет.
- (2) Виберач котри уписани до виводу зоз виберанкового списку може гласац и без обвисценя о дню и часу отримованя виберанкох.
- (3) Виберач не може гласац кед не прида доказ о своїм идентитету.
- (4) Свой идентитет виберач доказує зоз важацу особну легитимацию.
- (5) Важаца особна легитимация то:
  - 1) особна легитимация на старим формулару видата скорей 27. януара 2007. року, котрей не вишол термин важеня назначени у особой легитимациї;
  - 2) особна легитимация на старим формулару видата после 27. януара 2007. року, у котрей як термин важеня уписани датум „27. юлий 2011. року“;
  - 3) особна легитимация видата на новим формулару, зоз контактним микроконтролером-чипом, котрей не вишол термин важеня назначени у особой легитимациї;
  - 4) особна легитимация видата на новим формулару, без контактного микроконтролера-чипа, котрей не вишол термин важеня назначени у особой легитимациї.
- (6) Попри особой легитимациї, свой идентитет виберач може доказац и з важащим драговим документом (пасошом), як и зоз важацу вожацку дозволу котра ма единствене матичне число гражданох.
- (7) Виберач котри уписани до окремого виводу зоз виберанкового списку за гласане виберацох на одслуженю военого рока, военей вежби або на школованю у единкох або установох Войска Сербії, свой идентитет може доказац и з воєну кнїжочку котра ма фотографию виберача и його единствене матичне число гражданох.
- (8) Виберач котри гласа на виберанковим месце нука у заводу за вивершене заводских санкцийох, свой идентитет може доказац и з одвитующим документом котри му издава Управа за вивершене виновних санкцийох.

## **в) Утвердзованє чи виберач уписани до виводу зоз виберанкового списку и придаванє гласацкого лістка**

### **Член 15.**

Кед ше утвердзи його идентитет, виберач сообщує котрей националней меншини припада и приходзи гу члену виберанкового одбору котри задлужени за руковане з виводом зоз виберанкового списку за тоту националну меншину, односно члену виберанкового одбору котри рукує з одвитующим окремым виводом зоз виберанкового списку за гласане виберацох на одслуженю военого рока, военей вежби або на школованю у единкох або установох Войска Сербії, котри пренаходзи виберача и заокружує шорне число опрез мена виберача, а после того ше виберач подписує на одвитующим месце до виводу зоз виберанкового списку. Кед ше виберач подпише, член виберанкового одбору му придава гласацки лісток.

### **Член 16.**

- (1) Вибранкови одбор не шме окончовац нїяки дописованя або други пременки у виводох зоз вибранкового списку.
- (2) Вибранкови одбор не дошлебодзи же би гласала особа котра не уписана ані до єдного виводу зоз вибранкового списку.

#### **Член 17.**

- (1) Виберач може гласац лєм раз.
- (2) Ані єдна особа не може достац вецей як єден гласацки лісток ані не дошлебодзене же би єдна особа гласала место другей особи.

#### **г) Хаснованє спрею**

#### **Член 18.**

- (1) Аж кед му ше прида гласацки лісток, виберач приходзи гу члену вибранкового одбору котри му зоз спеціальним спреєм означує указуюци палец на правей руки под кореньом нохца як знак же гласал.
- (2) Виберачови котри не ма указуюци палец на правей руки будзе означени шлїдуюци доступни палец на право и конечно вельки палец тей руки, под кореньом нохца.
- (3) Виберачови котри не ма праву длань, будзе означени указуюци палец на лївей руки, односно шлїдуюци доступни палец на лїво и конечно вельки палец тей руки, под кореньом нохца.
- (4) Кед не можлїве так означиц пальци виберача, означованє ше не окончує.

#### **г) Пополньованє гласацкого лістка**

#### **Член 19.**

- (1) Виберач пополнює гласацки лісток за параваном за гласанє понеже го член вибранкового одбору поучел о способу гласаня.
- (2) Член вибранкового одбору окреме спозори виберача:
  - 1) же може гласац лєм за єдну вибранкову лістину, зоз заокружованьом шорного числа опрез назви вибранковой лістини;
  - 2) же гласанє тайне и же ше окончує за параваном за гласанє;
  - 3) же гласанє шлебодне и же ніхто не ма право же би зоперал и примушовал виберача же би гласал, же би поволовал на одвичательносц прето же гласал або не гласал або же би вимагал од виберача же би ше вияшнел прецо и за кого гласал.
- (3) Понеже пополнел гласацки лісток, виберач сам зогина гласацки лісток так же би не було видно як гласал и кладзе гласацки лісток до гласацкей шкатули, а потим напущує вибранкове место.

#### **Член 20.**

- (1) Вибранкови одбор длужни старац ше о обезпечованю тайносци гласаня.
- (2) Вибранкови одбор длужни организовац гласанє так же би ніхто не могол видиц як виберач пополнює вибранкови лісток.
- (3) У просторїї у котрей ше гласа могу буц присутни лєм тельо виберачох кельо єст места на котрих обезпечена тайносц гласаня.

## **VI. ОКРЕМНИ ПРАВИЛА ГЛАСАННЯ ЗА ОСОБИ З ОЗ ИНВАЛІДИТЕТОМ И ОНСМОЖЛІВЕНИ ОСОБИ**

### **а) Особа котра не у стану пополниць гласацки лісток**

#### **Член 21.**

- (1) Виберач котри не може сам пополниць гласацки лісток (шлепа, інвалідна або неписьмена особа) ма право на виберанкове место привесц помагача котри место його пополни гласацки лісток так як му виберач одредзи.
- (2) Таки способ гласаня виберанкови одбор констатує до записніка о работи виберанкового одбору, так же ше до каждого записніка о работи виберанкового одбору уноши податок о тим кельо виберацох каждой националней меншини гласали з помоцу помагача.

### **б) Особа котра не у стану присц на виберанкове место**

#### **Член 22.**

- (1) Виберач котри не у стану гласац на виберанковим месце информує виберанкови одбор найпознейше по 11,00 годзин на дзень гласаня, же жада гласац и котрей националней меншини припада.
- (2) Кед утвєрдзи же така особа уписана до виводу з виберанкового списку, председатель виберанкового одбору задлужує трох членох виберанкового одбору же би запровадзели гласанє звонка виберанкового места.
- (3) Повереніки виберанкового одбору одходза гу виберачови, утвєрдзую його идентитет и окончую преверйованє з УВ лампу.
- (4) Потим повереніки виберанкового одбору придаваю службену коверту у котрей ше находза: гласацки лісток, групна виберанкова лістина за членох национального совиту националней меншини котрей виберач припада, потвєрдзєне о виберанковим праву за гласанє звонка виберанкового места и коверту до котрей будзе положени пополни гласацки лісток.
- (5) После того, повереніки виберанкового одбору зоз специялним спреєм означую палец виберачови, на способ утвєрдзєни з членом 18. тих правилох.
- (6) Кед упознаю виберача зоз способом гласаня, повереніки виберанкового одбору напушую просторию у котрей виберач гласа.
- (7) Кед гласал, виберач подписує потвєрдзєне о своїм виберанковим праву.
- (8) Потим кладзе пополни гласацки лісток до коверти котру повереніки виберанкового одбору пред нїм печачую на печачовим воску.
- (9) Так запечачовану коверту виберач кладзе ведно з подписаним потвєрдзєньом о своїм виберанковим праву до службєней коверти котру после того повереніки пред нїм печачую з печачовим воском.
- (10) Такой по вращаню на виберанкове место, повереніки виберанкового одбору придаваю службену коверту председатєльови виберанкового одбору, котри отвєра службену коверту у котрей ше находзи потвєрдзєне о виберанковим праву и, кед же потвєрдзєне подписанє, заокружує шорне число под котрим виберач уписани до виводу зоз виберанкового списку.



- (11) Кед потвердзене о виберанковим праву не подписане, трима ше же виберач не гласал, цо ше уноши до записніку о роботі виберанкового одбору за вибор членох национального совиту националней меншини котрей виберач припада.
- (12) Потим председатель виберанкового одбору отвера запечацовану коверту и зоз ней виніма зогнути гласацки лісток и уруцуе го до гласацкей шкатули.
- (13) Виберанкови одбор уноши до записніку о роботі виберанкового одбору одредзеной националней меншини податок о тим кельо виберачох тей националней меншини гласали звонка виберанкового места, а зоз другим виберанковим материялом у окремној коверти приклада и шицки подписани потвердзена о виберанковим праву.
- (14) Кед виберач котри гласа звонка виберанкового места не у стану пополніц гласацки лісток (шлепа, инвалидна або неписмена особа), вон може гласац з помоцу помагача котрого сам одредзи, на исти способ на котри таку помоц хасную шлепи, инвалидни або неписмени особи котри гласаю на виберанковим месце.
- (15) Гласане виберача звонка виберанкового места може ше окончиц лем на подручу виберанкового места.

## **VII. ОТРИМОВАНЄ ПОРЯДКУ НА ВИБЕРАНКОВИМ МЕСЦЕ**

### **Член 23.**

- (1) Забранене затримоване на виберанковим месце шицким особом котри не маю права и длужносци у вязи зоз запровадзованьом виберанкох.
- (2) На виберанковим месце забранене хасноване мобилних телефонох и других средствох вязох и комуникацийох, як и фото-апаратох и камерох.
- (3) На виберанковим месце забранене, звонка службеной евиденції у виводох зоз виберанкового списку, правиц списки виберачох котри вишли на виберанки (з уписованьом мена або шорного числа зоз виводу зоз виберанкового списку виберачох котри вишли, або не вишли на гласане).
- (4) Винімово, дошлебодзене же би члени виберанкового одбору котри задлужени же би руковали з виводами зоз виберанкового списку, з уписованьом смужкох на окремној паперу, водзели евиденцию о виходносци виберачох и же би податки о виходносци сообщовали шицким членом виберанкового одбору.
- (5) Потупене забранох зоз пасуса 1.,2. и 3. того члена трима ше за потупене порядку на виберанковим месце.

### **Член 24.**

- (1) Представителе средствох явного информованя можу буц присутни на виберанковим месце лем пре пририхтоване звиту о цеку гласаня на виберанковим месце.
- (2) Непреривно од отвeрања по заверане виберанкового места, виберанкови одбор информуе Републичну виберанкову комисию о цеку гласаня на способ котри будзе утвeрдзени з окремној одлуку Републичней виберанковой комисії.

### **Член 25.**

- (1) Виберанкови одбор длужни отримовац порядок на виберанковим месце.
- (2) Кед ше на виберанковим месце потупи порядок, виберанкови одбор може претаргнуц гласане док ше порядок не запровадзи. Причини за претаргнуце гласаня

- и тирване претаргнуца гласаня уноша ше до записніку о работи виберанкового одбору.
- (3) Кед претаргнуце тирвало длужей як єдну годзину, гласанє ше предлужує за тельо часу кельо претаргнуце тирвало.

### **VIII. ПОЛОЖЕНЄ ПРЕДСТАВНІКОХ ПРЕДКЛАДАЧОХ ВИБЕРАНКОВИХ ЛІСТИНОХ И ПРИПАТРАЧОХ**

#### **Член 26.**

- (1) Особи котра ше находзи на списку овласчених представнікох предкладачох виберанковой лістини котри придати виберанковому одбору з боку Републичней виберанковой комісії, виберанкови одбор длужни оможлівиц же би незавадзано надпатрал роботу виберанкового одбору у шицких фазох його роботи, починаючи од пририхтованьох за отверанє виберанкового места по утвердзованє резултатох гласаня.
- (2) Виберанкови одбор длужни припатрачом котрим Републична виберанкова комісія одобрила провадзєнє виберанкох и видала акредитациї, оможлівиц провадзєнє каждой виберанковой роботи.

#### **Член 27.**

- (1) Виберанкови одбор длужни до записніку о работи виберанкового одбору унесц податки о присутних представнікох предкладачох виберанкових лістинох и припатрачох.
- (2) Виберанкови одбор може зоз виберанкового места оддаліц представніка предкладача виберанковой лістини або припатрача кед ше не притримую правилох о отримованю порядку на виберанковим месце, кед на виберанковим месце хасную мобилни телефон або други средства вязох и комуникацийох, а насампредз кед ше на гоч яки способ мишаю до работи виберанкового одбору.
- (3) Виберанкови одбор длужни же би по оддальованю представніка предкладача виберанковой лістини або припатрача и причинох за оддальованє такой информовал роботну групу и Републичну виберанкову комісію.

### **IX. ЗАВЕРАНЄ ВИБЕРАНКОВОГО МЕСТА**

#### **Член 28.**

- (1) Виберанкове место ше завера на 20,00 годзин.
- (2) Виберачом котри ше найду на виберанковим месце у чаше завераня виберанкового места, оможлівиює ше гласанє.
- (3) Як виберач котри ше нашол на виберанковим месце трима ше виберач котри ше на 20,00 годзин находзи на виберанковим месце або непостредно опрез.
- (4) Виберачох котри ше найду на виберанковим месце виберанкови одбор информує же можу гласац.
- (5) Председатель виберанкового одбору длужни одредзиц члена або замініка члена виберанкового одбору котри утвердзи число виберачох котри ше нашли на виберанковим месце, утвердзи рядошлїд по котрим буду гласац, стане за остатнім виберачом котри ше ту нашол же би означел конєц шора и причекал же би шицки вибераче гласали котри ше нашли на виберанковим месце.

## **Х. УТВЕРДЗОВАНС РЕЗУЛТАТОХ ГЛАСАНЯ**

### **Член 29.**

- (1) После завераня виберанкового места виберанкови одбор утвердзуе резултати гласаня на виберанковим месце.
- (2) Утвердзованю резултатох гласаня муша присуствовац шицки члени виберанкового одбору або їх заменіки.

### **а) Поступок утвердзованя резултатох гласаня**

### **Член 30.**

- (1) Поступок утвердзованя резултатох гласаня запровадзуе ше окреме за кажды национални совет котри ше вибера на тим виберанковим месце, а перше ше утвердзую резултати гласаня на виберанкох за членох национального совету националней меншини з найвекшим числом виберачох котри уписани до виводу зоз виберанкового списку, а остатні ше утвердзую резултати гласаня на виберанкох за членох национального совету националней меншини з найменшим числом виберачох котри уписани до виводу зоз виберанкового списку.
- (2) Резултати гласаня за вибор каждого национального совету окреме, ше утвердзую на шлїдуюци способ:
  - 1) пречишлюю ше невихасновани гласацки лістки и кладу до окремної коверти котра ше печачуе а їх число ше уписуе до рубрики 15. записніка о роботі виберанкового одбору;
  - 2) пречишлюе ше число виберачох котри уписани до виводу зоз виберанкового списку и окремногo виводу зоз виберанкового списку по котрим гласали вибераче на одслуженю воєного рока, воєней вежби або на школованю у єдинкох або установох Войска Сербії, кед одредзене же би гласали на тим виберанковим месце, и так утвердзуе вкупне число уписаних виберачох, котре ше уписуе до рубрики 16. записніка о роботі виберанкового одбору;
  - 3) пречишлюю ше вибераче котри заокружени у виводу зоз виберанкового списку одредзеної националней меншини и так ше утвердзуе число виберачох котри гласали и тото число ше уписуе до рубрики 17. записніка о роботі виберанкового одбору;
  - 4) отвєра ше гласацка шкатула и превєрює чи ше у ней находзи контролни лісток за превєрїованє исправносци гласацкей шкатули и резултат превєрїованя ше констатує до записніку о роботі виберанкового одбору (рубрика 11. алинея треца записніка). Контролни лісток ше кладзе до окремної коверти котра ше печачує;
  - 5) гласацки лістки ше оддзелюю и сортирую по ознакох националних меншинох чийо национални совети ше вибераю на тим виберанковим месце;
  - 6) пречишлюю ше гласацки лістки националней меншини за котру ше утвердзує резултат гласаня, котри ше находзели у гласацкей шкатули и тото число ше уписує до рубрики 18. записніка о роботі виберанкового одбору;
  - 7) гласацки лістки зоз предходней точки ше подзєля на важаци и неважаци;
  - 8) пречишлюю ше неважаци гласацки лістки, кладу ше до окремної коверти котра ше печачує, и тото число ше уписує до рубрики 18.1. записніка о роботі виберанкового одбору;
  - 9) пречишлюю ше важаци гласацки лістки, и тото число ше уписує до рубрики 18.2. записніка о роботі виберанкового одбору;

- 10) важаци гласацки лістки ше подзеля по виберанкових лістинох, утвердзує ше число гласох котри дати каждой виберанковой лістини, котре ше уписує до рубрики 19. записніка о роботі виберанкового одбору;
  - 11) шицки важаци гласацки лістки ше кладу до окремой коверти котра ше печачує.
- (3) Поступок зоз пасусу 2. того члена, окремо роботох зоз точки 4) и 5), повторює ше пре утвердзованє резултатох гласаня на виберанкох за членох национального совиту националней меншини зоз шлїдуючим найвекшим числом виберачох котри уписани до виводу зоз виберанкового списку и так шором покля ше не утвердза резултати гласаня на виберанкох за членох шицких националних совитох котри ше вибераю на тим виберанковим месце.

#### **б) Розликованє важацого и неважацого гласацкого лістка**

##### **Член 31.**

- (1) Неважаци гласацки лісток то непополнени гласацки лісток, як и гласацки лісток котри пополнени так же не мож утвердзиц за котру виберанкову лістину виберач гласал, на приклад:
- 1) лісток на котрим виберач заокружел або подцагнул вецей як єдно шорне число опрез назви виберанкових лістинох;
  - 2) лісток на котрим виберач заокружел або подцагнул вецей як єдну виберанкову лістину;
  - 3) лісток на котрим виберач заокружел або подцагнул вецей як єдного ношителя виберанковой лістини.
- (2) Важаци гласацки лісток то тот на котрим заокружене єдно шорне число опрез назви виберанковой лістини, як и гласацки лісток котри пополнени на способ зоз котрого зоз сигурносцу мож заключиц за кого виберач гласал, на приклад:
- 1) кед на гласацким лістку виберач заокружел або подцагнул мено и презвиско першого кандидата на виберанковой лістини;
  - 2) кед на гласацким лістку виберач заокружел або подцагнул назву або часц назви єдней виберанковой лістини;
  - 3) кед на гласацким лістку виберач источасно заокружел або подцагнул шорне число и назву виберанковой лістини и мено и презвиско першого кандидата на тей виберанковой лістини;
  - 4) кед на гласацким лістку виберач заокружел або подцагнул мено єдного ношителя виберанковой лістини;
  - 5) кед на гласацким лістку виберач источасно заокружел або подцагнул мено и презвиско першого кандидата на виберанковой лістини и мено ношителя тей виберанковой лістини.
- (3) Кед лісток пополнени на способ же ше зоз сигурносцу може утвердзиц за котру виберанкову лістину виберач гласал, вон будзе важаци и попри тим:
- же на лістку виписани або нарисовани коментари, пароли и други порученя;
  - же други вибранково лістини прешмаргнути.

#### **в) Пополньованє записніка о роботі виберанкового одбору**

### **Член 32.**

- (1) Накадзи утврдзи резултати гласаня за вибор членох националногo совиу одредзеной националней меншини, виберанкови одбор читко пополнюе, записник о работи виберанкового одбору за вибор членох националногo совиу теј националней меншини.
- (2) До записнику о работи виберанкового одбору, попри иншим, уписуе ше: датум и место гласаня; число и назва виберанкового места; мена и презвиска членох виберанкового одбору; число приятих гласацких листкох за вибор членох националногo совиу одредзеной националней меншини; число невихаснованих гласацких листкох за вибор членох националногo совиу одредзеной националней меншини; вкупне число уписаних виберачох до виводу зоз виберанкового списку одредзеной националней меншини (до котрого уходза и вибераче котри уписани до окремногo виводу зоз виберанкового списку за гласане виберачох на одслуженю военогo рока, на военой вежби або на школованю у єдинкох або установох Войска Сербии); число виберачох одредзеной националней меншини котри гласали; число виберачох одредзеной националней меншини котри гласали з помоцу другей особи; число виберачох одредзеной националней меншини котри гласали звонка виберанкового места; число неважацих гласацких листкох за вибор членох националногo совиу одредзеной националней меншини; число важацих гласацких листкох за вибор членох националногo совиу одредзеной националней меншини; число гласох котри дати за каждую виберанкову листину за вибор членох националногo совиу одредзеной националней меншини.
- (3) До записнику о работи виберанкового одбору уноша ше и зауваги и думаня членох, заменикох членох виберанкового одбору и представникох предкладачох виберанкових листинох.
- (4) Кед же записник о работи виберанкового одбору не подпишу шицки члени виберанкового одбору, то ше констатуе до записника о работи виберанкового одбору и зоз тим ше евентуално наводза и причини пре котри записник не подписани.

### **Член 33.**

- (1) Записники о работи виберанкового одбору правя ше на предписаним формулару за каждую националну меншину окреме, котри ше друкую у шейсц прикладникох.
- (2) Перши прикладник каждого записника о работи виберанкового одбору доручуе ше роботней групи Републичней виберанковой комисии.
- (3) Други прикладник каждого записника визначуе ше на виберанковим месце на явни увид.
- (4) Други штири прикладники записника ше придаваю представником предкладачох виберанкових листинох котри освоели найвекше число гласох за вибор членох националногo совиу одредзеной националней меншини на тим виберанковим месце, кед же предкладач листини ма представника на виберанковим месце.

## **XI. ЛОГИЦКО-РАХУНКОВА КОНТРОЛА ЗАПИСНИКА О РОБОТИ ВИБЕРАНКОВОГО ОДБОРУ**

### **Член 34.**

Логічно-рахункова контрола записнік о работи виберанкового одбору облапя: рахункове усоглашованє податкох о виберачох, рахункове усоглашованє податкох о виберачох и гласацких лісткох и рахункове усоглашованє податкох о гласацких лісткох и гласох.

**а) Рахункове усоглашованє податкох о виберачох**

**Член 35.**

- (1) Вкупне число виберачох одредзеной националней меншини котри гласали (рубрика 17. записнік) єднаке числу виберачох котри заокружени у виводу зоз виберанкового списку тей националней меншини.
- (2) Вкупне число виберачох одредзеной националней меншини котри гласали (рубрика 17. записнік) може буц єднаке або менше як число виберачох котри уписани до виводу зоз виберанкового списку тей националней меншини (рубрика 16. записнік).

**б) Рахункове усоглашованє податкох о виберачох и гласацких лісткох**

**Член 36.**

- (1) Вкупне число гласацких лісткох за вибор членох национального совиту одредзеной националней меншини котри ше находза у гласацкей шкатули (рубрика 18. записнік) єднаке або менше як число виберачох тей националней меншини котри гласали (рубрика 17. записнік).
- (2) Число приятих гласацких лісткох за вибор членох национального совиту одредзеной националней меншини (рубрика 14. записнік) єднаке збиру: числа невихаснованих гласацких лісткох за вибор членох национального совиту одредзеной националней меншини (рубрика 15. записнік) и числа виберачох тей националней меншини котри гласали (рубрика 17. записнік).

**в) Рахункове усоглашованє податкох о гласацких лісткох и гласох**

**Член 37.**

- (1) Число гласацких лісткох за вибор членох национального совиту одредзеной националней меншини котри ше находза у гласацкей шкатули (рубрика 18. записнік) єднаке збиру: числа неважацих гласацких лісткох (рубрика 18.1. записнік) и числа важацих гласацких лісткох за вибор членох национального совиту одредзеной националней меншини (рубрика 18.2. записнік).
- (2) Число важацих гласацких лісткох за вибор членох национального совиту одредзеной националней меншини (рубрика 18.2. записнік) єднаке збиру числа гласох котри достали шицки виберанково лістини за вибор членох национального совиту одредзеной националней меншини (табела у рубрики 19. записнік).

**Член 38.**

- (1) Координатор Републичней виберанковой комисії придава Републичней виберанковой комисії звит о оконченей логічно-рахунковой контроли за каждую єдинку локалней самоуправи у округу за котри є задлужени.

- (2) Звіт зоз пасусу 1. того члена насампредз ма шицки пременки у записніку о роботи виберанкового одбору окончени после логицко-рахунковой контроли з боку председателя або члена, односно їх заменікох виберанкового одбору, овласценой особи Републичного заводу за статистику або члена, односно заменіка члена Републичней виберанковой комисії.

## **ХП. ДОРУЧОВАНЄ ВИБЕРАНКОВОГО МАТЕРИЯЛУ ПОСЛЕ ГЛАСАНЯ**

### **Член 39.**

- (1) Понеже утвердзи резултати гласаня на виберанковим месце, виберанкови одбор без одкладаня, а найпознейше у термину 12 годзинох од моменту завераня виберанкового места придава роботней групи у будинку општини/городу, шлїдуюци виберанкови материял:
  - 1) перши прикладніки записніка о роботи виберанкового одбору на запровадзованю гласаня и утвердзованю резултатох гласаня на виберанкох за членох национального совиту котри виберани на виберанковим месце,
  - 2) виводи зоз виберанкового списку и окремини виводи зоз виберанкового списку по котрих ше гласало на виберанковим месце на виберанкох за членох каждого национального совиту,
  - 3) запечацовану коверту у котрей контролни лісток за превейоване исправносци гласацкей шкатули,
  - 4) запечацовани коверти до котрих положени невихасновани гласацки лістки за гласанє на виберанкох за членох каждого национального совиту котри виберани на виберанковим месце окреме,
  - 5) запечацовани коверти до котрих положени неважаци гласацки лістки за гласанє на виберанкох за членох каждого национального совиту котри виберани на виберанковим месце окреме,
  - 6) запечацовани коверти до котрих положени важаци гласацки лістки за гласанє на виберанкох за членох каждого национального совиту котри виберани на виберанковим месце окреме,
  - 7) запечацовани коверти до котрих положени подписани потвердзєня о виберанковим праву за гласанє звонка виберанкового места за гласанє на виберанкох за членох каждого национального совиту окреме,
  - 8) други виберанкови материял.
- (2) Виводи зоз окремого виберанкового списку, перши прикладніки записніка о роботи виберанкового одбору и запечацовани коверти зоз подписанима потвердзєнями о виберанковим праву за гласанє звонка виберанкового места, виберанкови одбор придава оддзелено од другого виберанкового материялу, котри ше пакує до меха за одкладанє виберанкового материялу и так придава роботней групи.
- (3) З нагоди придаваня виберанкового материялу, виберанкови одбор строго будзе водзиц рахунку же би не помишал виберанкови материял за запровадзоване виберанкох за членох национальних совитох розличних национальних меншинох.
- (4) Други материял (гласацку шкатулу, паравани за гласанє, УВ лампи, прибор за писанє и др.) виберанкови одбор придава општинскей/городскей управи.
- (5) О примопридаваню виберанкового материялу прави ше записнік на предписаним формулару.

- (б) После гласаня у заводу за вивершенє заводских санкцийох, виберанкови одбор, без одкладаня, одвитуючи виберанкови материял зоз пасусу 1. того члена придава роботней групи у будинку општини/городу.

**Член 40.**

З нагоди придаваня виберанкового материялу, председатель виберанкового одбору длужни општинской/городской управы доручиц и евиденцию о присуству членох и заменїкох членох виберанкового одбору на виберанковим месце.

**ХІІІ. ЗАКОНЧУЮЦА ОДРЕДБА**

**Член 41.**

Тоти правила ступаю на моц на дзень обявйованя у „Службеним глашніку Републики Сербии“.

02 Число: 013-962/14

У Београду, 8. септембра 2014. року

**РЕПУБЛИЧНА ВИБЕРАНКОВА КОМИСИЈА**

ЗАМЕНІК ПРЕДСИДАТЕЛЯ  
Иван Шебек